

《續修四庫全書》編纂委員會編

續修四庫全書

上海古籍出版社

七八〇・史部・政書類

宋會要不分卷（職官五十一至七十九）

〔清〕徐松輯

校記不分卷

葉渭清撰

.....

—

2652/10

宋會要 國信使

太祖開寶八年十一月命秘書省校書郎直史館宋準
假朝請大夫少府監為契丹國信使殿直邢文俊假右
衛率府率副之 祥符二年詔先充北朝國信使者每
有北朝人到闕並依所借官位服色班坐宴 天禧二
年十二月二十六日詔應曾充北朝國信使者每
使副等每過契丹人使到闕除大雨省外餘並令于左
掖門出入候迴日依舊 乾興元年七月遣戶部郎中
直史館劉鐸客省副使曹曦為皇太后回謝禮信使副
工部郎中趙質為殿承制閤門祇候楊承吉為皇帝回
謝禮信使副 寶元二年三月二十一日右司諫直集
賢院韓琦言乞今後國信及接伴使副委中書樞密院
擇才建名若有臣僚輒敢陳乞望賜嚴斷詔今後令擇
臣僚充 慶歷二年三月遣右正言知制誥富弼殿資
政殿學士戶部侍郎為回謝契丹國信使西上閤門使
符惟忠副之報其請地事也 八月命禮部郎中知制
誥張師德為契丹國母生日回國信使西京左藏庫副使
趙嘉靖副之國母生辰命使自此始 神宗熙寧四年
九月五日以文忠副使梁元賀北朝皇太后國信
使以馬供祖恩國信使不願往代之 五年九月七日
以兵部庫使任懷政為大遼國信副使代因謹初以懷
政押賜夏國王生日禮物因對上問懷政家世任福之

姪也乃命與誼易之 二年三月十四日太常博士周
直儒等言國信一路郡縣驛亭陳設什物以至樂器等
故弊乞新之詔在京令國信所緣路委監司一員先事
點檢修治 十月二十二日詔以西京左藏庫副使兼
閤門通事舍人河北沿邊安撫副使劉增跋西京左藏
庫使代曹許為遼國信副使令雄州止以評疾報契丹
乘驛還闕以慈聖光獻皇后崩故也 三年正月五日
送伴遼使李琮等言大行太皇太后未葬恐使人以故
事遲過白溝置酒作樂詔勿過白溝橋給樂人例慰如
故事 八月二十三日詔自今遣文臣奉使帶館職者
並帶職 閏九月二十八日知定州韓絳言謀知遼人
遣石宗回為賀正旦副使令于接伴等處因語洵說及
本石晉出帝之後乞預令接伴館伴使副以語折之詔
劉興接伴使副 四年八月二日詔自南北通和以米
國信文字差集賢院學士蘇頌編類 九月二十七日
詔將米北使經過新路州軍守臣內有審官常格新差
材品凡純難以酬接庸人者可從中書預選官移易其
知趙州史宗範磁相邢趙州通判令河北轉運司體量
人材如不堪接待人使即于轄下選官對移並候人使
回日依舊 五年十月八日太僕少卿吳安持等言奉
初接伴大遼賀正國信使原武河決雖已治道將聞自
滑州以南猶有橫水三十餘里詔遣水部員外郎王諤

計置新船六十艘以待海 十二月十四日工批河北沿邊安撫司謀知遼人令賀正旦副使趙度賍因覲朝廷西事慮虜人因語言探問虛實其當酬應之詳三省樞密院同議定副與館伴使副 十七日接伴使吳安待言途使沿路事節並如舊唯例送樂人馬一疋不至臣等俟前路言及詔安持等所不送馬勿問 六年二月二十五日詔北使經過慶州曾借朝議大夫者依舊自今更不借官令權張金紫不符繫金帶具押賜御庭官仍互借先已借朝議大夫即借中散大夫並許繫金帶不佩魚 十月八日內西頭供奉官馮世倫追兩官張應之羅安李慶長內東頭供奉官韓文振內侍高品盧世永右班殿直寄班祿候朱伯瑜各進一官坐編欄國信使不覺察車營兵與北人私交易已 十二月五日命給事中韓忠彥館伴遼國信使初命禮部侍郎李常上批西邊事未定慮虜人至闕須語及之恐常不知西事本未緩急難酬對故也 七年四月八日石得一奏接伴虜使下親從官隨行覲步欲乞令過位覺察詔許之其入位與北人私相交易及傳達事情者察之餘勿舉 八年四月十八日命左司郎中滿中行充皇帝登寶位北朝國信使左班殿直閤門祿候焦顏叔假供備庫使兼閤門通事舍人副之詔中行等到遼國諭館伴使令以太行皇帝遺制尊皇太后為太皇太后同

處分軍國事典禮並依章獻太后垂簾故事兩朝合通信使具聞于北朝 八月二十四日詔太皇太后特送遼國生辰禮物令御樂院依章獻太后與北朝皇太后禮物數排辦內冠朵釵以金玉腰帶水晶鞍轡以玉鞋襪以靴代之 九月十八日樞密院言昨令國信使滿中行等計會北朝依嘉祐年北朝皇后賀仁宗皇帝生辰正旦使人傳達禮意皆自北朝皇帝傳達今北朝皇帝見日回問并辭曰太皇太后亦當專為得宣問北朝皇帝非故事常改正欲令送伴北朝弔慰使副婉順說諭使人悉依嘉祐年例從之 哲宗元祐元年正月十八日館伴遼使所言國信使蕭洽等稱南使過本朝生醢錄目無大宋國賀正旦或生辰字今所賜錄目却有大遼國賀字乞除此四字方敢收留尋面諭以久例豈可輒有更改比至回程終不收受詔雖州移牒北朝承州其錄目俟蕭洽過界牒送訖奏 五月六日雄州言得涿州牒今後若委所司于生餽目內書寓北朝國信使副併三節人從經久為便本朝有司不空南朝字亦議別行史改詔令雄州移牒北朝承州今後所賜信使生餽客省目于并折支目內並書北朝賀正旦國信使副并國信下三節人從 六年四月五日左諫議大夫鄭雍言昨元北朝生辰國信使伏見朝廷歲以玉帶贈

道遠人怨歲久有時而盡請令後苑作旋球新帶以充
歲用從之 七年正月二日樞密院言遣使耶律迪病
且殆緣通好已未未有故事今用章頌王成宜奉使卒
于契丹北人津送體例預送館伴所密掌之如迪死即
施行從之 九月四日詔王子韶罷秘書少監以將命
使遼而卻下苛細致指揮使刃其子并偽子詔故罷之
十四日詔八國接伴使副今後不得將帶親屬并有
官人充職員小底違者罪之其八國使副實有宿疾聽
帶親屬一名小底不以有無官具奏聽旨先是非泛使
出疆以老疾自陳有例得帶親屬自熙寧後著為通法
奉使者稍稍以親戚自隨因緣干援故立條約 紹聖

元祐二年正月二十二日詔東上閤門使成州國祿使王湛

五

元祐二年正月二十二日詔東上閤門使成州國祿使王湛
奉使遼國與館伴妄爭獲王諱字却韓參政慰狀及與
呂陶相逢擅不赴坐封答率易特罰銅二十斤罷所居
官 三月八日給事中呂陶等言具析到昨充宣仁聖
烈皇后遺留使副于北界過朔望依元豐八年王震故
例用治平四年嘉祐八年不赴宴會例按明道年遺留
使副語錄內在北界過朔望日並赴昨宣仁聖烈皇后
上僊臣僚過朔望日亦無茶奠舉哀之儀與嘉祐治平
元豐故例不同呂陶等未嘗奏稟輒引用且作朝前行
膝北界朔望不赴宴會及請移宴日仍以疾不赴致罷
曲宴雖已該恩詔呂陶除集賢院學士知陳州于是詔

張舜氏等到北界因語及呂陶事即答云昨宣仁聖烈
皇后上僊朔望日別無體制間陶等誤用故例要有移
牒及請移宴日舜氏等比在路中已聞陶等降黜并言
主上敦重信好所以特有行遣之意 閏四月五日戶
部郎中林邵等言請自今後使副使伴官高者令武臣
知州借官相歷詔今後武臣知州係承制崇班並借供
備庫使諸司副使並對借序坐在接伴副使之上 九
月十七日國信所繳奏回謝北朝國信使張舜氏副使
鄭价與送姚企貢問答失當各特罰銅二十斤 十二
月二十一日接伴使時彦等言遼使至邢州見知州繫
皂帶不肯赴亭子茶酒蓋自宋北使經由州軍皆武臣

知州并瀛州安撫使及接伴押宴官並繫紅帶自餘文

五

知州并瀛州安撫使及接伴押宴官並繫紅帶自餘文
臣知州不帶學士以上職名即依舊宋儀制詔令時彦
等婉順折難勿虧事體 四年二月十五日詔八國接
送館伴使副不得以無例之物送遣人使仍立法 三
月八日開封府言賀正旦使副下節人從喧笑失
禮及躬弓處宣武虎翼兵士楊千等喧鬧罪狀國信使
副時彦曹壯奏三節人從無作過者虛妄不實詔右司
員外郎時彦供備庫使曹壯在班殿直成義女持各違
一官勒停楊千王千王立各杖脊配千里外牢城馮達
等降配鄰州 九月七日詔國信使副自今依熙寧條
許帶親屬一名充小底其元祐法勿行從國信使范鍾

詩也 元符元年二月一日權開封府推官王詔言差
充興龍節送伴遼國使人欲乞依接伴到闕例只于瑞
聖園內設閣子令送伴使副伺候相見如先乞下有司
著為令從之仍令詳定編修國信條例于儀內修具
八月詔遣使經過如遇知州病惠事故應本州接送人
使有違闕許權迎送人使官按斷從接伴使韓序等言
也 三月十四日樞密院言司勳貢外郎韓序等言
人使在路州軍諸項酒食料例已經編定陳設器皿亦
各新潔惟府界諸項祇應人等自京差到酒食未至豐
厚宿項中路四處共差內臣兩人難以照管詔更不自
京差內臣并祇應人員委本處令佐管勾令府界提照

卷一百一十五

六

檢 二年正月十四日高陽閣路走馬承受公事言訪
聞北界人言差下送使蕭德崇等于二十四日離燕京
上節中帶夏國二人同行詔令河北沿邊安撫司體問
詰實聞奏 三月十六日館伴遼國使所言之使齋
到禮物有玉帶及小繫腰元無封尋詰其因乃云例外
物虜主臨行授使者故不封詔別與御藥院取旨回答
初宰臣章惇以謂恐無禮執政皆曰彼乃欲以為萬厚
已上然之 四月二十九日館伴所言竊見修華戎信
錄自通好以來事無不載而元豐六年後未幾編錄
伏望要官續成從之 閏九月六日試給事中兼侍讀
趙挺之言差充賀北朝生辰見頒詳定編修國信條例

卷一百一十五

七

有北道利誤志及接見北使書狀儀式未能全備欲乞
就行詢訪沿路有詳修潤從之 三年徽宗即位未改
元二月二十一日詔國信使尚書司勳員外郎韓序
大思副使賁裕同至白溝問國哀不別送伴皆罰金
六月一日告登位國信使韓治曹譜至虜庭虜遣蕭括
劉房儒館客欲以南朝謝登位國信所為名治譜爭以
不當稱謝卒白國信所而還建中靖國元年二月十四
日命尚書吏部侍郎張舜民為遼國賀登位國信使西
上閤門副使閻仁武副之 中書舍人謝文瓘為遼國茶
奠國信使皇城副使王漸副之 尚書工部侍郎賈易為
遼國幣慰國信使左藏庫使兼閤門通事舍人劉荷副
之 易以月疾辭改命給事中上官均代之 又命朝散大
夫淮南江浙等路發運副使黃寔龍圖閣直學士中散
大夫為遼國賀登位國信使代張舜民 十月五日詔
朝奉大夫給事中上官均朝散郎給事中謝文瓘皇城
副使王漸禮賓副使兼閤門通事舍人劉荷各降兩官
以使遼弔奠而從者更衣以入有違舊章故也 崇寧
元年五月二十六日詔朝請郎尚書吏部員外郎宋景
降授朝奉郎大思院副使曹潘降授供備庫使送史部
以接伴遼使不能閱其徒從之實故也 四年八月二
十八日承議郎尚書禮部侍郎劉王夫假資政殿學士
太中大夫為遼國國信使以林樞未畢使事虜繼遣使

至故再遣 時靖和皇后園陵在京府界禁音樂七日
虜使託疾不肯入見得旨就館錫餐卒使如禮而歸
八月十八日樞密院言尚書度支員外郎王革接伴遼
國賀天寧節人使到相州遇靖和皇后小祥賜御筵合
作樂與否今太常寺檢會莊穆皇后周祥故事持不視
朝其曰百官詣西上閣門進名奉慰詔靖和皇后小祥
大祥依小忌內外禁樂一日 五年正月二十一日詔
馬防罷刑部侍郎降授中奉大夫知新州以奉使辱命
也 政和二年八月十二日臣寮言接送伴北使及引
押夏人前此務為苛察及以語言相勝或致生事乞加
謹擇仍申嚴禁條禁詔令尚書省樞密院立法禁止

卷五十三

八

四年正月二十六日詔訪聞接伴副使高士儒于白
溝驛感疾至雄州身亡蓋緣使事物故在道理宜存恤
仰本州委官一員照管津遣仍量與應副 四月五日
詔尚書也田員外郎楊信功送吏部以言者論其送伴
北朝人使肆言褻狎有損國威故也 七年二月十二
日詔朝請大夫杜充降授朝散大夫勒停武顯郎宣贊
舍人狄嶽降授武器郎宣贊舍人勒停坐嘗奉使輕紊
典章故也 宣和四年正月二十四日詔朝奉大夫宋
孝先降一官勒停坐奉使遼國傲慢失職故也 高宗
建炎元年五月一日赦應昨緣奉使金人有未經推恩
人許令自陳與檢詳元降指揮推恩內有金國拘留未

還者其請給令所屬權給一半瞻養其家候及一年止
九日詔從事郎傅秀特授宣義郎假工部侍郎充金
國通和使武功大臣趙哲副之修職郎王倫特授朝奉
郎假刑部侍郎充金國通問使進士朱弁補修武郎副
之已而輔臣黃潛善汪伯彥請遣祈請使改傅秀為祈
請使馬識遠副之其已降遣兵約束且令馬忠薛廣等
駐劄大河之南候遣使先行別聽進止 二年十一月
二十二日赦應官吏等奉使見在金國之人所有其餘
應于恩數等並候回日一併給還仍不拘釐革年限石
林燕語宋朝館伴契丹例用尚書學士蓋以陪臣處之
下契丹一等也契丹館于都亭驛使命往來稱國信使

卷五十四

九

高麗館于同文館不稱國信其恩數制皆裁于契丹
自後王將明等皆以學士館伴仍升使為國信建炎三
年單仲衍在揚州復入為學士高麗自海州來朝遂差
館伴因建言高麗用學士館伴出于一時之命而升為
國信使今風尔四夷尔以執物當正前日適然之失因
辟疾于是改差中書舍人張達明而罷國信皆用元豐
舊儀自單仲衍行請已 紹興二年九月四日赦應官員
諸邑人因奉使金國未回之人其家屬寄居州縣已降
指揮令所在官司多方存恤勿慮州縣遵奉不虔仰監
司按察無致失所 十九日詔應奉使金國未還之人
并隨逐官員使臣等其家屬散在諸路州軍居住訪聞

所在並不應副請給自今後專責守臣須管排月支給
如違徒三年科罪仍許奉使之家越訴及出榜曉諭
四年九月十五日九年正月五日十年九月十日赦並
令按月支給 三年五月十七日詔瑞明殿學士左太
中大夫同簽書樞密院事韓肖胄充金國軍前通問使
左朝奉大夫試工部尚書胡松年副之續條具申請三
節人從欲于六曹及諸官司內不以有無官資及見任
侍闕已未參部人內指名抽差或辟差如有一切違礙
並免執奏不許辭避上中郎內有官人與先次轉四官
資白身人並先補承郎郎進士先補迪功郎候回日各
與依軍功法特添差合入差遣一次今米轉補官資依

卷一百一十五

例不作非泛補授理當參部差出理為資任下郎軍兵
並各先轉三資候回日更轉一資上郎都轄一員指使
二員書表司二員禮物六員引接二員醫候一員中郎
職員四員親屬親隨六員執旗信三員小底二員下郎
御厨工匠二人翰林司二人儀駕司一人文思院針線
匠人一人將校二人管押軍員二人軍兵六十人教駿
二人書狀官欲支起發絹六十匹錢一百貫銀五十兩
上郎起發起轄絹四十匹錢十貫銀二十兩指使禮物
官醫候引接書表司並各絹三十匹錢四十貫銀一十
兩中郎起發並各絹二十匹錢三十貫銀一十兩內醫
候破合集一百貫下郎軍兵軍員起發絹一十匹錢二

十貫內有官人並許帶行新舊見任請給如無請給每
月支給家錢三十貫日支食錢五百文軍兵每月瞻家
錢八貫日支食錢五百文內將校起發發發絹并瞻家食
料等錢依中郎人體例有官人各破本引驛券一道三
節人並借請兩月從之 五年二月二十二日詔應奉
使金國未還之人具應于恩數今本家齎元差或于恩
文字赴尚書省陳乞施行 紹興五年閏十月十九日
奉使金國報謝所言照得今秋合差下郎軍兵并訓練
官等係輪到侍衛馬軍行司差撥出戍建康府人宿緣
本所起發不測逼近若行差取相去千里委實地里差
遠慮恐辦集職事不前是致抵牾已就便于殿前司或

卷一百一十六

二

步軍司借差上件官兵一次其馬軍行司合差官兵等
充日後以次奉使差使詔于步軍司權差一次 同日
兩浙轉運司奏金國信使副非晚過界所有往回應副
御筵并沿路舟船出陸船擔人夫排辦飲食宿項等檢
會一淳熙十三年十一月指揮並委漕臣今後準此竊
緣本司見今應辦哲文神武成孝皇帝梓官過江攬官
修奉等事務委是繁劇難以前去乞別委浙西監司應
辦所有一行舟船并祇備庫陳設永憐器皿錢酒等本
司卻行照例備辦遣發應副詔長浙西提舉黃灞餘從
之 七年十二月三十日詔右朝奉大夫王倫除徽猷
閣直學士提舉醴泉觀假龍圖閣學士左中大夫樞密

部承肯元金國軍前迎奉梓官使右朝請郎高公繪轉
右朝奉大夫假拱衛大夫忠州防禦使副之 八年十
二月二十三日詔端明殿學士左太中大夫簽書樞密
院事韓肖胥元金國報謝使光山軍承宣使樞密副承
宣錢愐假光山軍節度使樞密都承旨副之 二十九
日御史中丞勾龍如淵言和議既定遣使歲必再三欲
望特詔有司檢照近年體例參酌中制將支賜之物并
三節人數及所得恩例凡使者往館及至界首比舊減
三分之二至汴京或至燕中減半直至金國全破庶幾
久而可行以革泛濫之弊詔令三省樞密院照會 九
年正月五日敕應奉使金國未還之人封贈奏薦已降
指彈給還合得之數尚慮所在州軍保奏稽緩或官司
非理沮抑仰監司按劾御史臺覺察 同日詔王倫除
端明殿學士同簽書樞密院事免簽書仍賜同進士出
身差元迎請梓官皇太后交割地界使藍公佐除宣州
觀察使假保信軍節度使提舉萬壽觀副之 二十六
日右諫議大夫李璵言國信所指差三節人徒多是進
士甚至干執旗報信亦以進士為之伏望今後所差三
節人除親隨許用進士二名外餘並以使臣充一紹興
八年以前使人將命實化不測故三節人徒悉假以優
恩今既通和豈可復援前例欲乞量與減詔令禮部
檢照奉使大遼體例參酌條具以聞 十一年十月

敕應因奉使金國未回并屬官其官職合該奉薦人未
經奉薦者特與蔭補一次如係陞朝官特與封贈一次
各令本家于所在州軍保明陳乞 十二年十一月八日
敕並同 十一年十一月十一日詔左朝散大夫尚書
吏部侍郎魏良臣假左正議大夫充接伴使福州觀察
使知閤門事兼客省四方館事王公亮假保信軍承宣
使副之館伴準此 十三日詔左朝奉郎試禮部尚書
兼侍讀莫將差充館伴使成州團練使知閤門事兼客
省四方館事曹勛副之館伴準此 二十三日詔左朝
奉大夫試御史中丞何鑄除簽書樞密院事差充金國
報謝使拱衛大夫利州觀察使知閤門事兼客省四方
館事曹勛除簽書樞密院副之 十二年五月三日詔
左朝請郎試尚書戶部侍郎池昭遠假吏部尚書充金
國賀生辰使福州觀察使知閤門事兼客省四方館事
王公亮假保信軍承宣使副之 金國生辰遣使準此
于是詔檢奉使大遼進呈取旨國信所具到國信令格
奉使指使滿二次轉進武校尉譯語親事官奉使接送
伴送及兩次轉一資親從差隨奉使及接送伴兩次無
遺關候役名滿二十年轉一資奉使書表司八國三次
滿足時一資奉使隨行醫官及三次換章服已永紫許
回授有服親或指射差遣醫學以下轉一資或換章服
奉使禮物殿侍滿二次轉三班差使奉使引接殿侍滿

四次轉三班差使別無奉使大遼生辰推恩人體例檢
正檢詳看詳奉酌擬定正使起發及賜銀絹各二百匹
錢一千貫副使起發及賜銀絹各二百匹兩錢八百貫
三節人從共破五十人不許差白身人上節一十八下
節三十人內準備差使四員餘差軍兵上中節先轉一
官資內選人比類施行候回日更轉一官資添差合入
差遣一次內醫官史及合藥錢一百貫下節準備差使
先轉一官資候回日更轉一官資內軍兵先轉一資候
回日更轉一資起發上節支銀絹各一十五匹足中節
支絹一十五匹銀一十兩下節支絹一十匹銀五兩請
給三節人從日及食錢五十文內有官人帶行新舊任

差遣官資

古

見任請給如無請給或不願請新舊見任者每月支膳
家錢三十貫內軍兵除帶行見請外月支膳家錢八貫
並自到所日起支結局日住支有官資人仍破本身本
等券一道並借請兩月詔依擬定立為永法 六月八
日吏部侍郎充金國接待使魏良臣等言欲乞依舊例
差編欄官二員引接儀範二員職員二員小底二人親
隨二人醫官一員主管文字二人書表司二人外更乞
差準備差使十員許依例指差借請兩月詔準備差使
許差四人官屬八吏管並借請一月 八月十八日詔
左朝請大夫試御史中丞萬俟卨除左中大夫參知政
事差充金國報謝使榮州防禦使帶御器械刑孝楊假

保信軍承宣使知閤門事兼客省四方館事副之 九
月二十八日詔丘宣儀郎中書舍人楊應傑戶部尚書
充金國賀正旦使右武大夫宣州觀察使知閤門事兼
客省四方館事何彥良假奉國軍承宣使副之正旦遣
使準此 十三年十一月二十一日國信所言北朝賀
正旦人使赴闕舊例開封府差少尹接送詔差知臨安
府張叔獻 十四年正月六日詔吏部尚書羅汝楫差
充金國報謝使鎮東軍承宣使知閤門事鄭藻副之
三月二十六日詔應差生辰正旦非泛奉使并接送伴
官合差國信所指使譯語親事官及皇城司親從並仰
依祖宗舊法聽審使副問答語言及見聞事件兼覺察

差遣官資

古

一行人務令整肅可與典主管往來國信所今後遇
差奉使等官令檢坐條法指揮閱報常切遵守毋致減
累 八月八日詔右承議郎盛澤州南嶽廟萬俟允中
奉使金國禮物官日私以違禁之物附載入國博易厚
利將貸命追毀出身以來文字不刺面配貴州本城收
管 十五年五月九日詔人使經過州軍令兩浙淮南
轉運司並以官錢應辦不得騷擾百姓各具知稟聞奏
十九日詔接待金國賀生辰副使錢愷降一官送伴
別差人以接待不職故也 十六年三月十日尚書省
言接送伴所差官屬員數太冗欲裁減小底二人親隨
二人主管文字二人準備差使四員止差部轄一員編

欄官二員引接儀範二員職官二員醫官一員書表司
二八從之 四月十一日詔今後金國使人赴關所差
接指使親從諱語等人除身分合得奉食錢外其沿路
州軍所送錢物並不許收受如違以贓論 十四日接
伴使副王循友等言接伴使副沿路收受州郡饋送及
有教處攝設官吏等欲乞今後不許收受從之 十七
年三月十八日宰執進呈國信所乞裁減接送伴北使
官屬事上宣諭曰遙知白渡淮多日尚未見到恐路中
滯留則隨從人等不無生事騷擾可擬降指揮今後計
程赴行在 十八年五月十五日工部尚書居大方言
近蒙差充金國賀生辰使每戒約一行官吏等不得輒

奏為事

其

起事端過有須索竊慮後來三節人或有不識大體責
辦供應妄生語言有失事體所須甚微所繫甚大欲望
自今後每遣使人嚴行戒飭詔今後遣使自使副至三
節人並具和委狀申尚書省 十八日詔今後差賀生
辰正旦使副所給起發銀絹錢並各減半其三節人各
與轉一官資內使副仍各與轉一官以殿中侍御史余
堯卿言此年盟好既固將命若安行無虞與講和之始
事體不侔故有是詔 閏八月三十日詔今後奉使生
辰正旦下三節人過界並不許與北人博買如違從徒
二年科罪使副不覺察同罪 二十年三月九日詔在
甲大夫參知政事余堯卿差充賀金國登位使鎮東軍

承宣使知開門事兼客省四方館事鄭藻假保信軍節
度使領開門事副之十月詔賀金國登位副使應合行
事件并起發支賜三節人從等並依未終裁減已前賀
生辰正旦人數體例推恩以余堯卿有請從左右司看
詳擬定也 二十二年正月二十四日詔令淮東浙西
經由州軍遇人使往還委守臣當職官并諸軍委統兵
官嚴切指置閑防如有違戾取旨重作行遣賀正旦人
使回程至鎮江府有都統制劉寶下使臣楊敏輒經北
使馬前妄出語言故有是詔 二十三年四月六日詔
今後奉使須選擇醇謹之人至加武臣作副亦當選擇
二十五十年十月九日殿中侍郎御史徐嘉言欲自今

奏為事

其

後差往金國賀正旦生辰使副并三節人等回並不許
收受供給饋送錢物等如輒受者依朝廷遣使出外輒
受供給饋送以自盜論供送者與同罪奉使一行往回
經由州軍縣鎮非理需索糜費一切盡行往罷不得依
前應副如有違戾並委本路帥臣監司覺察按劾聞奏
取旨重行遠竄如帥臣監司失于按劾令御史臺覺察
彈奏並從之 十二月二日上宣諭輔臣曰張士震去
歲奉使回當朕前奏事欺罔不寔宰相止以奉使不肅
罷黜以官同處之可與遠小監當以為後奉使之戒
二十六日二月四日進士單鉉言此年以來奉使官
屬不問賢否惟金多者備員而往多是市厘豪富巨商

之子不可不革欲望自今凡遣使人必加謹簡其所辟
到三節人從先具姓名中取首三有樞密院次第審量
仍劉下國信所更切實察庶革前弊從之 四月十九
日詔翰林學士左朝請郎知制誥兼侍講陳誠之假資
政殿大學士左大中大夫體泉觀使兼侍讀充賀金國
上尊號使吉州刺史知閣門事兼客省四方館事蘇
假崇信軍節度使領閣門事副之以時昭軍言得泗州
軍上號聖文神武皇帝故也 十月十五日詔奉使金
國使副并三節人推恩並有定制今後不得援例過有
陳乞如違令御史臺彈劾 二十七年十二月二十五
日詔今後人使往來兩浙淮南漕臣須管隨後行船不

送馬官書

太

得相遠仍多辦舟船駕稍準備使用 二十八日二月
十三日詔奉使接送伴使副往回不得輒赴筵會如違
依已降此受饋送指揮糾罪仍令臺諫覺察彈奏 四
月十七日權尚書工部侍郎劉章言奉使凡三節使從
皆典轉官資于啟行之日既受賞典往往慢易欲望依
使副例俟回日推賞從之 五月二十八日詔衆州觀
察使知閣門事兼客省四方館事石清與外任以館伴
北使飲酒致醉踈慢失體故也 十月十九日詔接送
伴官屬等已有約束不許私販其奉使三節人從可令
有司參照立法禁止 十一月二日臣僚言比年以來
奉使辟差官屬多不親行募人充代市井狡猾之徒何

慈惠書

九

所愛惜欲望申嚴憲令應三節人從如或假名代行重
賞許告奉使失于覺察亦與其罰詔依仍自來奉使未始
二十九年九月四日詔自建炎紹興以來奉使未回
之人有親的予孫本家見無食祿人者可令經吏部自
陳驗實中尚書有取旨特與一名恩澤 二十一日詔
翰林學士左朝散郎知制誥周麟之假左朝散大夫信
安郡開國侯充奉使金國皇太后告哀使吉州團練使
知閣門事兼客省四方館事蘇假崇信軍節度使齊
安郡開國侯副之 十月三十日禮部言今奉顯仁皇
太后上僊所有將來人使過界并三節人從合着衣帶
及沿路御筵人見花宴聽樂等下太常寺討論顯仁皇
太后係于十月二日小祥十四日大祥十六日禪除其
告哀使副并三節人若于禪除日分過界即合從吉服
只用皂靴黑帶之類如嘉祐八年元豐八年故事從之
三十一年四月七日詔應靖康建炎紹興以來奉使
未回使副之家陳乞恩澤令吏部驗實照應已降指揮
依條施行其在外人委知通躬親驗實保明中吏部仍
令本部行下諸路州軍出榜曉諭 五月六日詔左中
大夫同知樞密院事周麟之假信安郡開國公充金國
稱賀使洪州觀察使知閣門事兼客省四方館事蘇
假崇信軍節度使領閣門事副之 二十二日權禮部
侍郎金安節等言今奉孝慈淵聖皇帝升遐自發哀後

館伴并送伴使副等官合權易黑帶去魚來皂靴其
人從止合服紫衫墨帶並從之 六月二十七日詔丘
朝散大夫敷文閣待制樞密都承旨徐嘉假資政殿學
士丘大中大夫醴泉觀使充金國稱賀使大州刺史權
知閣門事兼客省四方館事張掄假保信軍節度使領
門事副之 三十二年三月二十一日詔左朝奉郎守
起居舍人洪邁假翰林學士左朝議大夫知制誥兼侍
讀充賀金國登位國信使果州團練使知閣門事兼客
省四方館事張掄假鎮東軍節度使領閣門事副之
四月七日詔奉使金國使副下三節人私行傳易即仰
覺察以聞重寘典憲如使副傳易回日令臺諫彈劾

宋高宗皇帝

紹興三十二年七月九日孝宗已即位未改元詔中書
舍人劉珙假禮部尚書充皇帝登寶位報金國信使知
閣門事孟思恭假保信軍承宣使副之既而諫議大夫
任古言思恭受賂罷見任詔差知閣門事張說假昭慶
軍承宣使代之 二十八日詔右宣教郎盧仲賢假樞
密院計議官右宣教郎李玘假將作監主簿並充通書
金國左副元帥府 十一月十三日詔尚書戶部侍郎
王之望假禮部尚書充金國通問國信使知閣門事龍
大淵假崇信軍承宣使副之 孝宗隆興元年三月十
九日王之望等言先蒙差充金國通問國信使副今既
不過界三節人合與不合故令逐使兼辟差王珠龍仲

淮先親隨前去並蒙補上州文學今乞繳納詔三節人
于逐使已轉一官更不以折展年磨勘王珠龍仲准各
與轉一官候有名目日收使 八月二十九日詔宗正
少卿魏杞假禮部尚書充金國通問使帶御器械康濟
假崇信軍承宣使副之 九月五日魏杞康濟言今未
所差官屬全在同共宣力分掌職事乞依王之望等假
先與轉一官資出給省劄補授陞同日換給如不該推
恩却行繳納從之 二年十二月十六日詔中書舍人
洪邁假翰林學士差充金國賀生辰使知閣門事龍大
淵假寧國軍承宣使副之 乾道元年正月十七日詔
武節大夫閣門宣贊舍人王抃充金國國信使所奏議

宋高宗皇帝

官持書有勞可特轉右武大夫遼郡刺史 二月二十
二日詔尚書刑部侍郎李若水假吏部尚書知閣門事
張說假昭慶軍承宣使充接伴金國報問使副 五月
二十八日詔尚書戶部侍郎李若水假吏部尚書充賀
金國上尊號國信使武器大夫和州防禦使權知閣門
事曾覿假寧國軍承宣副之 九月六日詔國子司業
汪洙假工部尚書權知閣門事康濟假保信軍承宣使充
接伴金國賀生辰使副自後接伴同此 二十九日詔
權尚書吏部侍郎魏杞假吏部尚書樞密都承旨張說
假昭慶軍承宣使差充館伴金國賀生辰使副自後館
伴同此 十月三日詔權刑部侍郎方滋假戶部尚書

充賀金國正旦使忠州團練使王抃假福州觀察使副
之自後賀正旦遣使同此 二十三日詔國子司業汪
涓假工部尚書權知閤門事康濟假保信軍承宣使充
送伴金國賀生辰使副自後送伴同此 十一月三日
詔吏部侍郎陳天麟假禮部尚書幹辦皇城司宋直溫
假保康軍承宣使充伴金國賀正旦使副自後按伴
同此 四日詔金國賀生辰使人回程在路遇冬節特
賜使副絹各五十匹上節各八匹中節各五匹下節各
三匹從樞密院請也 十二月九日詔權吏部侍郎之
茂假工部尚書知閤門事曾觀假寧國軍承宣使充館
伴金國賀正旦使副自後館伴同此 二年正月三日

宋高宗皇帝

三

詔尚書吏部侍郎陳天麟假禮部尚書幹辦皇城司兼
德壽宮管幹事務宋直溫假保康軍承宣使充送伴金
國賀正旦使自後送伴同此 十六日昭慶軍承宣使
知閤門事龍大淵奏恭觀兩朝每歲信使往來雖臣僚
有請和雇游手所主適成騷擾欲自今委建康府御前
都統副淮西總領均差不入隊人自揚州至盱眙軍往
來差使借家粮兩月選差兵官鈐束所有合批口券令
所屬樵辦錢米發赴接送伴使副委官照券支給從之
九月二十二日詔今後北使往來令所過州縣遇夜
自備火照照更不差百姓 十一月一日兩浙路計度
轉運副使周宗言已降指揮北使來令所過州縣遇夜

自備火照照切緣隨船照多足趕起不前仍令州縣
依舊置火墩照道仍戒約前期三兩日差雇人使過即
時放散從之 三年四月十五日詔從義郎閤門祇候
充金國賀生辰國信副使趙應熊以使回程道中身亡
特贈武翼郎與一子承信郎恩澤更與進武校尉一名
四年十一月十七日詔兩浙東路兵馬鈐轄張德明
特追毀出身以承文字除名勒停送隆興府編管充國
差充賀金國正旦國信副使受賜嗣宗等恩賜差撥入
國送盤盂金銀收受入已特有是命 六年四月六日
詔訪聞浙西江東淮東沿路州縣差夫應副往來及朝
廷差出官多以奉使為名差雇夫馬騷擾百姓合行約

宋高宗皇帝

三

束詔食逐路行下所部州縣今後除朝廷賀生辰正旦
及按伴北使往還外其餘並不許差雇如違重作施行
閏五月九日詔起居舍人范成大假資政殿大學士
醴泉觀使充奉使金國祈請國信使權知閤門事兼樞
密副都承旨康濟假崇信軍節度使副之 二十四日
館伴使趙雄副使王抃奏二十八日使臣朝辭依例宣
賜御筵具日係皇帝散齋更不用樂外所有歸驛賜御
筵并夜筵未審合與不合用樂詔歸驛賜御筵并夜筵
並許用樂 十一月一日賀金國正旦國信使呂王已
副使季堅之言近日對境文移已行回牒竊慮尚有文
移往來事聞使者未過界間亦合預聞乞下盱眙軍自

今應有大移並令開報庶幾酬酢之間免致差誤從之
今後依此 二十二日詔今後應使臣往來其准求合
用章稅舟船并打凍軍兵本路諸州軍見管不係將禁
軍一千八百餘人可令漕司于內依舊數預期輸差應
副仍選委兵官往來部轄彈壓與依例支破錢米犒設
等 八年十月二十日詔武翼大夫趙益假宣州觀察
使知閤門事充接待使令朝見日依見惜官職起赴
居侍立今後差充接待使副依此 九年十二月九
日賀金國正旦國信副使張疑言臣每聞北使渡淮到
盱眙軍岸下有馬頭二所兩國使副各一處賊泊而兩
界駕船篙師各欲先奔在工者多至爭競恐致生事有

奏為書事

高

夫國體欲下盱眙軍并接待使兩處使副馬頭各分
一所明立大字牌記以為定例庶幾人使往來彼此安
靜從之 淳熙元年二月二十一日詔權吏部侍郎趙
粹中假左朝請大夫試工部尚書權知閤門事兼客省
四方館事龍霽假泉州觀察使知閤門事兼客省四方
館事充接待金國使副館伴以權兵部尚書兼知臨安
府沈度假試吏部尚書充福州觀察使知閤門事兼客
省四方館事兼樞密都承旨王朴副之 三月二十六
日工部奏供殿引見金國使通奉大夫吏部尚書梁
肅定遠大將軍太府監蒲守中 八月五日詔教文閣
侍制提舉佑神觀張子頤假工部尚書充金國報聘使

武功大夫定州刺史權知閤門事劉崇明州觀察使副
之 九月二十七日詔虜人待報聘使之禮厚金火金
國賀生辰使人已來沿路供張飲食並要如法務使豐
厚及館伴亦然仍令所屬無檢覈察 二年二月十七
日詔左司諫湯邦彥假翰林學士知制誥朝議大夫提
舉佑神觀兼侍讀充奉使金國中議使閤門舍人陳雷
假昭信軍承宣使知閤門事兼客省四方館事副之既
而三年四月詔邦彥送新州雷永州居任以臣僚言其
奉使虜庭頗乖使指驅車並還又于虜庭祇有所受且
不能堅守已見惟從謝良弼之謀于是後詔邦彥並
編管國信所使臣謝良弼等三人並除名勒停 嘉泰

奏為書事

高

元年正月九日臣察言伏見每歲朝廷遣使賀金國生
辰正旦其三節官屬人從依節次指揮內上中節許差
文武官及使副所領職局人吏候回程各轉一官未有
官人候有名目收使所有下節軍兵二十六人欲乞指
揮許于三衛輪差軍兵前去回程各轉一資只係兵部
陞轉緣以軍兵所以淳熙七年指揮每次選差正副將
部轄前去近年以來卻有陰補副尉或吏職出身人元
非軍兵冒充下節軍兵暨至回程將合得軍兵轉資賞
計會者部脫漏賞典使作一官轉行竊緣軍兵資格自
有輕重一資押官二資承局三資將度候四資十將五
資軍頭之類比之轉一官事體不同若乃陰補出身或

更職補授校尉之人以將兩階便可入承信郎在法實
歷五任十考方轉一階今若冒軍兵一資之費作實歷
十考超轉一官委是冒濫乞今後下節二十六人元降
指揮只許抽差三衙軍兵並不許踏逐在外蔭補及吏
職補授人充應從之 三月八日起居舍人俞烈言竊
見迎接北使使人例是南北之舟至淮河中流展則對
訖然後並舟南向而南北兵稍各欲爭先到岸時貽兵
稍憤于緣舟率先至岸北人耻于不勝乃于後舟鉤隨
南使舟尾以幸一先至有用篙仗相打者又北使執從
物人或行列差互編欄人不好說諭至今兵稍用仗趕
打北來下節亦用抵敵有失事體乞行下貽軍及淮

奏事官

奏事官

南轉運司戒約兵稍令彼此之舟取齊到岸編欄官不
得仍前生事如有違戾重作行違詔令淮南轉運司貽
貽軍行下部轄官常切鈐束兵稍今後或有違戾重作
行違其部轄官一併坐罪 九月二十三日禮部太常
寺言今來賀瑞慶聖節使人到關係在光皇宗皇帝小
祥後百官並已服純吉緣皇帝見在服制之內今欲乞
從典故免上壽所有祥授書赴宴等欲令所屬照應
淳熙五年會聖節并今年賀正旦使人到關見祥等休
例施行其班直親從等見服紫衫黃帶子依已降指
揮並合仍舊從之 七年十一月十九日詔自今奉使
八國內下節人除親從并譯語親事官及將不轉資人

大典脫漏
二字寄葉
泰止四年
年今校補

人許使副差親隨厨子餘人令殿前司馬步軍司輪差
不得于諸軍抽摘令各司排定軍分每一軍一將內選
有職名家口無過人充已經入國人不差仍于本將內
選正副將一員部轄前去正將充工部副將充下節如
本將人不足許于別將內差 二十五日詔每歲奉使
金國合差上中節內除都轄引接并國信所信使已有
定例外吏留二員聽候御前降下自今使副許辟差親
屬二人書狀官一員掌管私覲職負一名其餘並令吏
部于見在部籍定名次經往無過犯大小使臣委長貳
公共選差入親親傳年六十以下無殘疾人充如在部
人不足申樞密院令三衙輪差入隊準備訓練其已經

奏事官

奏事官

入國人不差具姓名申樞密院訖發赴使副依舊國信
所審量 八年十一月十九日詔自永年為始令六曹
將合差奉使金國正旦生辰使副并館伴送伴下引接
儀範人每曹籍定一十八人于差使副前兩月遇旬休日
分輪一曹所籍人數赴都亭驛令國信所掌儀通事使
臣指教閱習高或違戾令本所具申樞密院取旨 十
年十二月十六日權兵部侍郎余端禮等使金國還上
庸中事接伴問端禮云南朝幾年一郊接伴云無定或時行之
禮典已定復問金國幾年一郊接伴云無定或時行之
十三年正月七日權工部侍郎無樞密都承旨李昌
國言竊見本部所轄文思院每歲製造北使器皿等物